



Republika e Kosovës — Republic of Kosovo
Komuna e Hani i Elezit — Municipality of Hani i Elezit



Nr.05/ 5613 /2026

Data: 23.06.2026

DREJTORIA E ARSIMIT

Në bazë të Ligji për Arsimin në Komunitet të Republikës së Kosovës Nr. 03/L-068 të nenit 5, shkronja b), Ligjit nr. 08/L-153 për Edukimin në Fëmijëri dhe Hershme, nenin 4 Udhëzimi Administrativ (MASHT) nr. 03/ 2022 për përfshirjen e fëmijëve në institucionet parashkollore në Kosovë, Drejtoria Komunale e Arsimit shpallë:

K O N K U R S

PËR REGJISTRIMIN E FËMIJËVE NË INSTITUCIONIN PARASHKOLLOR “ARDHMËRIA “
HANI I ELEZIT PËR VITIN 2026/2027

Vendet e lira për regjistrimin në vitin 2026/2027	
Grup mosha	Institucioni Parashkollor “ARDHMËRIA”
09 muaj -3 vjeç	6 –Fëmijë
3-4 vjeç	9 –Fëmijë
4-5 vjeç	0-Fëmijë
Gjithësej	15 – Fëmijë

Aplikacionit i bashkëngjiten dokumentet, si vijon:

- Formulari i aplikimit (merret në institucionin përkatës parashkollor);
- Dokumentet personale të prindërve (letërnjoftim ose pasaportë kopje);
- Ekstraktin e lindjes së fëmijës;
- Dëshmia nga mjeku për gjendjen e përgjithshme shëndetësore të fëmijës;
- Vërtetimi nga mjeku për vaksinimin e fëmijës;
- Vërtetimi për marrëdhënien e punës për të dy prindërit (në marrëdhënie pune);

Kushtet dhe kriteret e regjistrimit të fëmijëve në institucionet parashkollore

Regjistrimi i fëmijëve në IP, bëhet në bazë të kriterëve të përcaktuara me akte juridike që e rregullojnë fushën e arsimit parashkollor (08/L-153 për Edukimin në Fëmijërinë e Hershme), në përputhje me Udhëzimin Administrativ nr. 03/2022 për pranimin e fëmijëve në institucionet parashkollore në Kosovë dhe në vendimin e kriterëve të pranimin të fëmijëve në institucionet parashkollore publike të Drejtorisë Komunale të Arsimit.

Afati dhe mënyra e aplikimit

- Konkursi mbetet i hapur nga data më 24.06.2026 deri më datën 08.07.2026;
- Aplikimi dhe dorëzimi i dokumenteve bëhet në institucionin parashkollor përkatës çdo ditë pune prej orë 09:00 deri në ora 15:00;
- Shpallja e rezultateve bëhet më datën 13.07.2026 në institucionet parashkollore përkatëse;
- Palët e pakënaqura me rezultatet e regjistrimit mund të ushtrojnë ankesë në institucionin parashkollor përkatës në afat prej tre (3) ditëve pas datës së publikimit të rezultateve;
- Palët e pakënaqura me përgjigjen e IP-së, mund të ushtrojnë ankesë në DKA, si shkallë e dytë, në afat prej tetë (8) ditëve; DKA nuk shqyrton asnjë ankesë, nëse e njëjta nuk është shqyrtuar me shkrim nga IP përkatëse.

Vërejtje: Të gjitha dokumentacionet e pakompletuara dhe jashtë afatit zyrtar të përcaktuar në këtë konkurs nuk do të shqyrtohen.

Drejtori i Arsimit

Hisni Luri





Republika e Kosovës — Republic of Kosovo

Komuna e Hani i Elezit — Municipality of Hani i Elezit



Nr.05/ 5613 /2026

Data: 23.06.2026

Bazuar në nenin 62 paragrafi 3 të Ligjit nr. 03/L - 040 për Vetëqeverisjen Lokale , në ligjet që rregullojnë fushën e arsimit parauniversitar (Ligji nr. 02/L-52, Ligji nr.03/ L-068, Ligji nr.04/ L-32 dhe Ligji nr.04/L-138), në nenin 4 paragrafi 8 të Udhëzimit Administrativ (MASHTI) nr. 03/2022 për përfshirjen e fëmijëve në institucionet parashkollore në Kosovë, drejtori i Drejtorisë Komunale të Arsimit (DKA) merr këtë:

V E N D I M

(Për kriteret e pranimit të fëmijëve në Institucionin Parashkollor “Ardhmëria”)

1. Fëmijët e prindërve që janë banorë të komunës së Hanit të Elezit kanë të drejtë të regjistrohen në institucionet parashkollore (IP) të Komunës së Hanit të Elezit;
2. Planifikimin për numrin e fëmijëve që do të pranohen në IP e bëjnë vetë IP-të, në përputhje me legjislacionin në fuqi dhe në përputhje me kapacitetet profesionale dhe infrastrukturore të Institucionit Parashkollorë;
3. Mosha minimale e fëmijëve dhe grup moshave që do të pranohen në IP e përcaktojnë vetë IP-të, në përputhje me legjislacionin në fuqi dhe në përputhje me kapacitetin profesional dhe infrastrukturor, por llogaritja e moshës së fëmijëve nuk bëhet duke marrë parasysh datën e regjistrimit por datën e fillimit të shërbimit, përkatësisht duke marrë parasysh datën 1 Shtator.
4. Pranimi i fëmijëve në IP bëhet në bazë të numrit më të madh të pikëve totale që merr një kandidat, bazuar në kriteret e specifikuara në tabelën e mëposhtme:

Nr.	Kategoria	Pikët
1	Fëmijët bonjak pa të dy prindërit	100
2	Fëmijët bonjak pa njërin prind nëse prindi kujdestar është i punësuar	90
3	Fëmijët bonjakë pa njërin prind nëse prindi kujdestar është i papunësuar	80
4	Fëmijët e invalidëve të luftës së UÇK-së nëse të dy prindërit punojnë	40
5	Fëmijët e invalidëve të luftës së UÇK -së nëse njëri prind punon	30
6	Fëmijët e invalidëve të luftës së UÇK -së nëse asnjëri prind nuk punon	20
7	Fëmijët me nevoja të veçanta nëse të dy prindërit punojnë	80
8	Fëmijët me nevoja të veçanta nëse njëri prind punon	60
9	Fëmijët me nevoja të veçanta nëse asnjëri prind nuk punon	40
10	Fëmijët e prindërve të divorcuar nëse prindi kujdestar është i punësuar	60
11	Fëmijët e prindërve të divorcuar nëse prindi kujdestar është i papunësuar	30
12	Fëmijët e veteranëve të luftës së UÇK -së nëse të dy prindërit punojnë	20
13	Fëmijët e veteranëve të luftës së UÇK -së nëse njëri prind punon	15
14	Fëmijët e veteranëve të luftës së UÇK -së nëse asnjëri prind nuk punon	10
15	Prindërit e fëmijëve në asistencë sociale	20
16	Fëmijët që punojnë të dy prindërit (me të ardhura mujore të prindërve deri në 350 euro)	40
17	Fëmijët që punojnë të dy prindërit (me të ardhura mujore të prindërve 351-700 euro)	30
18	Fëmijët që punojnë të dy prindërit (me të ardhura mujore të prindërve 701-1000 euro)	25
19	Fëmijët që punojnë të dy prindërit (me të ardhura mujore të prindërve mbi 1000 euro)	20
20	Fëmijët e prindërve që tashmë e kanë një fëmijë vijues në IP	10

5. Nga pagesa lirohen (Fëmijët e familjeve të dëshmorëve, invalidëve të luftës, fëmijët e veteranëve të luftës, fëmijët e familjeve me asistencë sociale, fëmijët me nevoja të veçanta, fëmijët e braktisur dhe pa përkujdesje prindërore, fëmijët e prindit vetmbajtës, fëmijët që jetojnë me një prind, fëmijët që vijnë nga grupet e rrezikuara.
6. Të gjitha statuset e të gjitha kategorive të përfshira në tabelën e mësipërme duhet të dëshmohen me dokumente valide të lëshuara nga institucionet relevante;
7. Vendimi hyn në fuqi në ditën e nënshkrimit të tij.
8. Me këtë vendim njoftohet : IP”Ardhmëria”, DKA dhe Arhivi;

Drejtori i Arsimit

Hisni Luri

